

尚

書

證

義

尙書證義

平湖周用錫述

金縢

既克商二年。王有疾。弗豫。

釋詁豫樂也。說文引周書曰。有疾不愈云喜也。是音義同。汗簡云。愈古文尙書豫。

二公曰。我其爲王穆卜。周公曰。未可以戚我先王。公乃自以爲功。

釋訓穆穆敬也。穆卜猶左傳云虔卜也。釋詁功成也。如左傳求成之成。史記作質。釋詁質成也。文異義同。

爲三壇同墠。爲壇於南方北面。周公立焉。植璧秉

珪乃告太王王季文王。

馬注壇土堂孔傳因太王王季文王請命於天故爲三壇壇築土墀除地大除地于中爲三壇正義除地爲三壇又爲壇于南方亦當在此壇內但其處小別故別言之周公北面則三壇南面可知立當讀爲位周禮小宗伯掌建國之神位鄭注故書位作立鄭司農云立讀爲位古者位立同字古文春秋經公卽位爲公卽立鄭注時爲壇墀於豐壇墀之處猶存焉植古置字論語植其杖而芸漢石經作置其杖而耘商頌置我鞞鼓箋云置讀曰植是古者植置同也說文植字重文亦作植孔傳璧以禮神植置也置于三王之坐周公秉桓圭以爲贊告謂祝辭

史乃冊祝曰惟爾元孫某邁厲虐疾若爾三王是有丕子之責于天以旦代某之身。

冊史記作策冊策古通鄭注策周公所作謂簡書也祝者讀此簡書以告三王諱之者由成王

讀之也。釋詁：遇也。厲作也。虐，古瘡省。月令：民多瘡疾，有古宥省。見論衡引書。說文：宥，寬也。不當讀爲負。史記：魯世家作負子，不負聲相近也。白虎通：天子曰不豫，諸侯曰負子，公羊傳：桓十五年曰：屬負茲子，茲聲相轉也。說文：責，求也。

子仁若考。能多材多藝，能事鬼神，乃元孫不若旦。多材多藝，不能事鬼神。

仁，古與人通。繫辭傳：何以守位曰人。釋文：桓元明僧紹作仁。魯論語：古之賢人也。古論語作仁。考當讀如巧。史記：魯世家作子旦。巧，說文：老部考从丂聲。丂部，丂，苦浩切。讀考，又以爲巧字。是古者丂有兩讀。司馬遷從安國問故隸寫爲巧。伏生授鼂錯隸寫爲考也。釋名：巧考也。義亦相訓。言子之爲人若巧。多材多藝，事鬼神，賢于元孫，故敢以身代。

乃命于帝庭，敷佑四方。用能定爾子孫于下地。四

方之民罔不祗畏。嗚呼。無墜天之降寶命。我先王亦永有依歸。

廣雅敷廣也。釋詁安定也。是定猶安也。言三王以身代之情。請命于上帝之庭。廣佑四方。用能安爾子孫于下地。四方之民亦罔不敬畏。列祖在天之靈。鄭注永有依歸爲宗廟之主也。

今我卽命于元龜。爾之許我。我其以璧與珪。歸俟爾命。爾不許我。我乃屏壁與珪。

玉篇卽就也。魯頌元龜象齒。毛傳元龜尺二寸。史記龜策列傳云。龜千歲乃滿尺二寸也。俟命侯三王請命于帝庭也。孔傳屏藏也。曾子問天子諸侯將出。以幣帛皮圭告于祖禰。遂奉以出。反必告。設奠卒。斂幣玉藏諸兩階之間。

乃卜三龜。一習吉。啓籥見書。乃并是吉。

周禮太卜掌三兆之灋一曰玉兆二曰瓦兆三曰原兆是古者三兆竝卜洪範所云三人占也坎卦習坎釋文習重也一習吉謂一卜再卜之兆皆吉也說文籥書籥竹筍也潁川人名小兒所書寫爲筍廣雅籥筍籥也是籥者籥屬所以載書也書太卜所云其頌皆千有二百也玉籥并同也言以三兆之法三龜次第卜其一卜再卜之兆未見占書已識體吉其三卜則開籥視占書乃知亦同是吉

公曰體王其罔害予小子新命于三王惟永終是圖茲攸俟能念予一人。

周禮占人凡卜筮君占體鄭注體兆象也郊特牲明水況齊貴新也凡況新之也是神事尚新故言新命也釋詁永長也攸古悠省釋名念黏也意相親愛心黏著不能忘也玉藻天子稱子一人言視龜之兆象王其無有害予小子潔新命于三王惟王長其壽惟已終其年圖之于帝

尚書證義

卷十二

三

友伏齋本

庭茲當靜俟必能親愛子一人也

公歸乃納冊于金滕之匱中。王翼日乃瘳。

鄭以壇在于豐則歸者從豐歸鎬正義謂壇所
卽卜故從壇歸是也周禮占人凡卜筮既事則
設幣以比其命鄭注謂既卜筮史必書其命龜
之事及兆於策繫其禮神之幣而合藏焉鄭注
滕束也凡藏秘書藏之于匱必以金緘其表

武王既喪管叔及其羣弟乃流言于國曰公將不利于孺子。

鄭注文王年十五生武王九十七而終終時武
王年八十三矣于文王受命爲七年後六年伐
紂後二年有疾疾瘳後二年崩崩時年九十
矣文王崩後明年生成王則武王崩時成王年
十歲論語孔子曰君薨百官總己以聽于冢宰
三年時周公爲冢宰攝政管蔡在東流布此言

于豐鎬也。孺子詳洛誥。

周公乃告二公曰。我之弗辟。我無以告我先王。

鄭注辟。謂避居東都。言我今不避孺子而去。我先王以謙讓爲德。我反有欲位之謗。無告于我先王。言愧無辭也。說文引周書曰。我之弗辟。云治也。與鄭異。

周公居東二年。則罪人斯得。

鄭注。出處東國。待罪以須君之察己也。罪人。管蔡也。得。得其流言之情也。

于後。公乃爲詩以貽王。名之曰鴟鴞。王亦未敢誚公。

于後。罪人既得之後也。幽風序鴟鴞。周公救亂也。是時雖得流言之情。而武庚之畔未作。鴟鴞之詩曰。迨天之未陰雨。徹彼桑土。綢繆厲戶。今此下民。或敢侮予。蓋欲成王救亂于未然也。說

文諫古文譙方言譙讓也凡言相責讓曰譙讓未敢諫公成王尙未知周公之志也

秋大熟未穫天大雷電以風禾盡偃大木斯拔邦人大恐王與大夫盡弁以啓金縢之書乃得周公所自以爲功代武王之說。

鄭注秋謂周公出二年後之明年秋也漢書嚴延年傳吏皆股弁師古注股戰若弁弁謂撫手也王莽傳子甚弁焉注弁撫手也言驚懼也以啓金縢之書因天變將以穆卜也

二公及王乃問諸史與百執事對曰信噫公命我勿敢言。

鄭注問者審然否也諸史大史小史內史外史也小雅抑此皇父箋云抑之言噫是噫猶抑也

王執書以泣曰其勿穆卜昔公勤勞王家惟予沖

人弗及知。今天動威以彰周公之德，惟朕小子其新迎。我國家禮亦宜之。

鄭注：泣者傷周公忠孝如是而無知之者，新迎改先時之心，更自新以迎周公，正義謂九戩之篇是迎之事也。

王出郊，天乃雨，反風，禾則盡起。一公命邦人凡大木所偃盡起而築之，歲則大熟。

鄭注：易傳云：陽感天不旋日，陽謂天子也。天子行善以感天，不回旋經日，築拾也。禾爲大木所偃者，起其木，拾其下禾，乃無所亡失。

尙書證義

平湖周用錫述

大誥

王若曰。猷。大誥爾多邦。越爾御事。弗弔天降。割于我家不少。延洪。惟我幼冲人。嗣無疆大歷服。弗造哲。迪民康。矧曰其有能格。知天命。

周禮士師之職。二曰誥。用之于會同。釋文。弔。如字。讀左傳。穆爲不弔。君子以吳爲不弔。有君不弔。敢告不弔。杜注。皆以爲不相弔恤。蓋哀憫之辭也。天字屬上。爲句。猶小雅云。不弔昊天。廣雅。割害也。延洪。孔傳云。凶害延大。釋詁。歷數也。服。如大雅。昭哉。嗣服。祭統。纂乃祖服之服。釋言。造。爲也。格。來也。格。知。猶中庸云。前知也。史臣記成。王將伐武庚。會同諸侯。而作誥曰。今不相弔恤。

尙書證義

卷十三

友伏齋本

之天降害于我國家者不小其禍蔓延滋大惟我年幼冲人嗣茲無疆大歷數之服弗能爲明哲以道民于康况曰其有能前知天命乎

已予惟小子若涉淵水予惟往求朕攸濟敷賁敷前人受命茲不忘大功予不敢閉于天降威用

釋言濟渡也廣雅賁美也釋言棄忘也是忘猶棄也言予惟小子譬涉深水惟往求我之所渡布其休美且布前人所受之命茲不棄牧野之大功予豈敢掩天降之威用而不討乎

寧王遺我大寶龜紹天明卽命曰有大艱于西土西土人亦不靜越茲蠢

禮器諸侯以龜爲寶公羊傳定八年何休注謂之寶者世世寶用之饒西土人亦不靜左傳定四年祝佗曰管蔡啓商甚閒王室也釋詁蠢動也言寧王遺我以寶龜前此嗣位繼天之明而

就龜請命其兆曰將有大難于西土西土之人亦有不靖安者及今而武庚果動矣此成王卜于卽位之初

殷小腆誕敢紀其敍天降威知我國有疵民不康

曰子復反鄙我周邦

小腆猶史記周本紀云小醜也敍如周禮六敍之彼復如公羊復讎之復左傳宣十四年華元曰過我而不假道鄙我也杜注以我比其邊鄙成十八年宋西鉏吾曰大國無厭鄙我猶憾襄八年鄭子展曰鄙我是欲註義皆同言殷以小醜妄敢復紀其官敍天已降之以威而知我國有流言之疵民心未安遂大言子將復讎而反邊鄙我周邦

今蠢今翼日民獻有十夫子翼以子救寧武圖功
我有大事休朕卜并吉

翼如益稷汝翼之翼謂周公也日當作曰形似傳誤論語文獻不足故也鄭注獻賢也伏生大傳作民儀有十夫周禮司尊彝鬱齊獻酌鄭司農讀獻爲儀釋詁儀善也是儀與獻義同古通大雅周王于邁箋云于往也釋言救撫也左傳成十三年劉子曰國之大事在祀與戎釋詁休美也周禮大卜凡國大師則貞龜左傳僖二十五年晉侯使卜偃卜之遇黃帝戰于阪泉之兆筮之遇大有之睽是古者用兵必卜也鄭注并吉者三龜皆從也言今已蠢動今翼告子曰得民之賢者有十夫子翼用之往征以撫安武王所圖之功人謀既從我戎事又有天休朕所卜之三龜皆吉也此成王卜于將伐武庚之日

肆子告我友邦君越尹氏庶士御事曰予得吉卜子惟以爾庶邦于伐殷逋播臣。

釋詁肆故也說文逋亡也逸周書成開解今商
孽競時逋播以輔

爾庶邦君越庶士御事罔不反曰艱大民不靜亦
惟在王宮邦君室越予小子考翼不可征王害不
違卜。

釋詁在察也越與粵通釋詁粵于也史記周本
紀武王卽位太公望爲師周公旦爲輔故周公
稱考翼也王害當從蔡傳屬下讀如曷言予得
吉卜以伐殷而爾庶邦君臣反謂伐殷之事艱
大西土之民且不靜亦惟近察王宮以防內變
外察邦君之室以折與謀于予小子及寧考輔
翼之臣不可以出征王曷不違卜乎

肆予沖人永思艱曰嗚呼允蠢鯀寡哀哉予造天
役遺大投艱于朕身越予沖人不卬自恤義爾邦
君越爾多士尹氏御事綏予曰無怙于恤不可不

成乃寧考圖功。

造古與遭通。漢書翟義傳作予遭天役。呂刑兩造具備。史記亦作兩遭。具備文侯之命。嗣造天不愆。孔傳亦訓造爲遭。廣雅。役使也。釋詁。卽我也。恤憂也。廣雅。義宜也。釋詁。綏安也。恣與秘通。廣雅。秘勞也。說文。引周書曰。無恣于卹。卹與恤通。言故予冲人。亦長思其事之艱。而曰。嗚呼。武庚信動。則鰥寡其哀哉。予遭天之艱。而曰。嗚呼。武投艱于朕身。于予冲人。固不以我一已爲憂。而宜爾庶邦君臣。則安慰予曰。無勞于憂。惟當成乃寧考所圖之功。責其不以成功。綏予。而反言不可征。

已予惟小子。不敢替上帝命。天休于寧王。興我小邦周。寧王惟卜用。克綏受茲命。今天其相民。矧亦惟卜用。嗚呼。天明畏。弼我不丕基。

釋言替廢也。周語單襄公引泰誓曰：朕夢協于朕卜，襲于休祥，戎商必克。左傳昭十七年：衛史朝曰：筮襲于夢，武王所用也。釋詁：相導也。釋訓：丕丕大也。

王曰：爾惟舊人，爾丕克遠省，爾知寧王若勤哉。天闕毖我成功，所予不敢不極。卒寧王圖事，肆予大化，誘我友邦君，天棐忱辭。其考我民，予曷其不于前寧人圖功，攸終。天亦惟用勤，毖我民。若有疾，予曷敢不于前寧人，攸受休畢。

丕，當讀爲不。漢書翟義傳：作爾不克遠省。金縢是有丕子之責于天。鄭注：讀丕爲不。召誥：其丕能誠于小民。說文引書：作不能誠于小民。蓋丕本從不聲，古多相通也。魯頌闕宮：有血箋云：闕神之釋詁：毖，慎也。闕，猶默戒也。君奭云：在昔上帝，割申勸寧王之德，其集大命于厥躬也。詳

君爽三倉所處也釋詁卒終也說文化教行也
釋詁誘進也裴備也說文忱誠也釋詁考成也
有古侑省儀禮聘禮侑幣鄭注古文侑皆作宥
左傳僖二十八年命晉侯宥即聘禮侑幣也管
子文有三侑卽周禮三宥也古宥字亦作宥見
論衡引今文尙書是侑宥有古相通也周禮膳
夫以樂侑食鄭注侑勸也王言爾皆舊人爾乃
不能遠察前事爾亦知寧王十一年觀兵十三
年伐紂若此勤勞天實有默戒我成功之處予
何敢不極終寧王所圖之事乎今予大教進我
友邦君天之輔相卜吉誠信有辭其兆云成我
民予曷其不于前寧人而圖其功之所終今天
亦惟用勞以戒我民若勸其速征予曷敢不干
前寧人攸受之天休而畢之乎

王曰若昔朕其逝朕言艱日思若考作室既底法
厥子乃弗肯堂矧肯構厥父菑厥子乃弗肯播矧
肯穫厥考翼其肯曰子有後弗棄基肆予曷敢不

越中救寧王大命

釋言若順也底致也朕言艱日思猶上文云肆
予冲人永思艱也廣雅略法也是法猶略也說
文略經略土地也構蓋也杜林以爲榱桷釋地
田一歲曰苗說文播種也獲刈穀也言順昔日
之事則朕當往征朕亦言其艱而日思之譬如
考欲作室既致其經略其子乃弗肯築堂矧肯
蓋屋乎又如其父已稽田爲苗其子乃弗肯播
種矧肯刈穀乎其考翼肯反曰予有後人弗棄
也始基乎故予曷敢不及我而撫救寧王之大命

若兄考乃有友伐厥子民養其勸弗救

史記李斯傳雖監門之養不穀於此矣儒林傳
兒寬常爲弟子都養公羊傳宣十五年廝役扈
養何休注艾草爲防者曰廝汲水漿者曰役養
馬者曰扈炊烹者曰養言若兄考而或有友攻
伐其子爲之廝養者其可但勸諭而弗救乎

王曰嗚呼肆哉爾庶邦君越爾御事爽邦由哲亦
惟十人迪知上帝命越天棐忱爾時罔敢易法矧
今天降戾于周邦惟大艱人誕鄰胥伐于厥室爾
亦不知天命不易

肆當作肆玉藻肆束及帶鄭注肆讀爲肆周禮
小宗伯肆儀爲位鄭注故書肆爲肆杜子春讀
肆爲肆皆形似之誤也御風旣詒我肆毛傳肆
勞也爽如左傳二惠競爽之爽方言爽猛也齊
晉曰爽越與粵通釋詁粵曰也曰天棐忱大雅
云上帝臨女無貳爾心也易讀如樂記慢易之
易說文攷詞也攷矧篆隸文人字屬下爲句說
文誕詞誕也王又歎息言勞哉爾邦君及御事
我周邦之競爽由有哲人亦惟十亂其輔道能
知帝命于天之輔我誠信不疑爾時牧野之誓
罔敢慢易法令今天降災戾于周邦實爲大難
而人妄言鄰國胥伐于王室爾亦不知天命之

不再改易也。

予永念曰。天惟喪殷。若稽夫子。曷敢不終朕畝。

言天惟喪殷。譬如農夫。予何敢不終事我之田畝。

天亦惟休于前寧人。予曷其極卜。敢弗于從。率寧人有指疆土。矧今卜并吉。肆朕誕以爾東征。天命不僭。卜陳惟若茲。

釋詁。率。循也。說文。僭。假也。周禮。太卜。凡旅。陳龜。釋言。若。順也。言伐紂之師。天亦惟用休于前寧人。故予究之于卜。不敢不從。以撫循前寧人。經畧之疆土。况卜惟從。二。今三龜并吉。故朕大以爾東征。天命斷無假借。卜陳惟當順之。

尚書證義

平湖周用錫述

康誥

書序成王既伐管叔蔡叔以殷餘民封康叔作
康誥酒誥梓材左傳定四年祝佗曰昔武王克
商成王定之選建明德以蕃屏周分康叔以殷
民七族命以康誥而封于殷墟自漢以來諸儒
皆據以爲成王誥康叔然經云朕其弟小子封
曰寡兄勛而篇中皆言文王無及武王之語則
非成王之誥可知矣先儒又以爲武王封康叔
于衛而作誥考之經傳俱言康叔封于成王之
世若武王時武庚封殷墟康叔安得受土且封
國曰命不曰誥詳讀經文康誥曰予惟不可不
監酒誥曰我其可不監撫于時梓材曰王啓
監蓋康叔爲司寇武王慮殷民之畔而出爲監
故于用刑三致意焉史記衛世家云武王爲武
庚未集恐有側心是也逸周書作雒解云建管

叔于東建蔡叔霍叔于殷路史云康叔故城在
潁川水經注潁水東歷康城是康叔與管蔡同
時分監殷之畿內故馬融王肅竝以康爲畿內
地也其後管蔡流言康叔不從史記三王世家
云康叔扞祿父之難後漢書蘇竟傳云周公善
康叔不從管蔡之亂是也及成王既殺武庚乃
以衛封康叔史記衛世家宋忠注云康叔從康
徙封衛是也其篇第錯在大誥之後書序遂以
爲成王所作祝佗數典口給一時其云命以康
誥而封于殷墟者蓋合監殷封衛兩事爲一以
致千古聚訟

惟三月哉生魄周公初基作新大邑于東國洛四
方民大和會侯甸男邦采衛百工播民和見士于
周周公咸勤乃洪大誥治

釋詁哉始也鄉飲酒義月三日而成魄說文引
周書曰哉生霸云月始生霸然也承大月二日

承小月三日釋詁基謀也周制九畿不數蠻夷
鎮蕃者遠未至也說文士事也白虎通士者事
也任事之稱也見士若左傳云受功也勤若詩
序杜以勤歸之勤咸勤五服之人皆慰勞之
也洪與鴻通釋詁鴻代也鄭注周公代成王大
誥蘇氏以爲此洛誥之文當在周公拜手稽首
之上是也

王若曰孟侯朕其弟小子封惟乃丕顯考文王克
明德慎罰。

釋詁孟長也史記衛世家云衛康叔名封左傳
成二年申公巫臣曰明德慎罰文王所以造周
也

不敢侮鰥寡庸庸祗祗威威顯民用肇造我區夏
越我一二邦以修我西土惟時怙冒聞于上帝帝

休天乃大命文王殪戎殷誕受厥命越厥邦厥民
惟時敘乃寡兄勛肆汝小子封在茲東土。

釋詁庸勞也。祇敬也。釋言怙恃也。冒字屬下爲句。論衡初稟篇趙岐孟子注竝引作冒。聞于上帝說文冒冢而前也。邢部云二月萬物冒地而出。是冒聞猶升聞也。殪戎殷合上爲句。釋詁肆勞敬益盡敬威益著威乃昭顯于民。用開創我方夏於我一二友邦修和我西土。惟時向化。相依恃。升聞于上帝。帝休美之。乃大命文王誅大殷。誕受其命。至於其邦。其民惟時大定。攸敘則寡兄克殷之所勉。今命汝小子封。察茲東土。

王曰。嗚呼。封。汝念哉。今民將在祇適。乃文考紹聞
衣德言。往敷求于殷。先哲玉用保。又民汝不遠。惟
商考成人宅心知訓。別求聞由古先哲玉用康保。

民弘于天若德裕乃身不廢在王命

漢書蘇林注將者甫始之辭也釋言通述也孫
炎云通古述字聞讀如孟子仁聞之聞衣古依
省學記不學博依釋文依或爲衣衣德少儀云
士依於德也廣雅敷廣也大雅罔敷求先王箋
亦訓敷求爲廣索不當讀如不古者不不多同
文詳大誥不遠近也釋詁惟謀也近謀商考成
人若呂氏春秋慎大篇云武王命周公旦進殷
之遺老問衆之所說民之所欲也釋名宅擇也
別當讀爲辯古別與辯通周禮小宰聽稱責以
傅別鄭注傅別故書作傅辯士師荒聽稱責以
司農云辯讀爲風別之別朝士有判書以治鄭
注故書判爲辯鄭司農讀辯爲別大行人以九
儀辯諸侯之命小行人每國辯異之大戴禮朝
事篇竝作別辯即古文編樂記其治辯者其禮具
辯鄭注今文辯皆作編樂記其治辯者其禮具
鄭注辯編也是別求猶編求也大雅無易由言
箋云由於也釋言若順也若德屬上爲句天若
德即酒誥云天若元德謂順天之德服于周也

裕乃身爲句。晉卦初六。裕无咎。鄭注。裕寬也。不廢在王命。卽酒誥云。永不忘在王家也。言今之治殷民。其始在敬。述文考之不顯。繼宣聞以依德之言。其往事廣求于殷先哲王。用以保治其民。近則謀商之老成人。擇于心以知訓民。又徧求聞于虞夏之先哲王。用以安保其民。若恢宏于天順之德。則寬宥其身。而見用在王命矣。

王曰。嗚呼。小子封。惘瘵乃身。敬哉。夫畏棐忱。民情大可見。小人難保。往盡乃心。無康好逸豫。乃其乂民。我聞曰。怨不在大。亦不在小。惠不惠。懋不懋。

釋言。惘。痛也。瘵。與。鰥。通。釋詁。鰥。病也。莊子。天地篇。不同。同之謂大。釋言。惠。順也。說文。懋。勉也。言汝受命監殷。如痛病之患。在乃身。可不敬哉。天命之弼我。雖忱而民情之不同。可見。况小人至爲難保。汝往盡乃心。無以爲安。而好逸豫。乃可以治民。我聞古人言。怨不在大。亦不在小。

今汝弭民怨在順其不順者勉其不勉者

已汝惟小子乃服惟弘王應保殷民亦惟助王宅天命作新民

釋詁服事也宏與鴻通釋詁鴻代也廣雅應受也應保殷民合上爲句言汝惟小子監殷之事惟代王者受保殷民亦惟助王者安定天命鼓舞新附之民

王曰嗚呼封敬明乃罰人有小罪非眚乃惟終自作不典式爾有厥罪小乃不可不殺乃有大罪非終乃惟眚災適爾既道極厥辜時乃不可殺

釋言試式訓同是式猶試也式爾嘗試于爾也左傳昭十五年民知所適杜注適歸也適爾歸死于爾也廣雅道說也既道極厥辜盡說其情也言刑罰之明不在罪之大小當權其情之輕

重

王曰。嗚呼。封。有紱時。乃大明服。惟民其勅懋和。若有疾。惟民其畢棄咎。若保赤子。惟民其康乂。

左傳僖二十二年卜偃引書曰。乃大明服。是時字當屬上。爲富國篇亦引書曰。乃大明服。是時字當屬上。爲句釋。詰時是也。噬嗑象曰。先王以明罰勅法。鄭注。勅。猶理也。整也。有古侑省。周禮以樂侑食。鄭注。侑。猶勸也。詳大誥。釋詁。畢。盡也。言有紱。是用罰之。輕重。則人皆明服。惟民其整齊而勉於和矣。若勸之能速。則民盡棄其前咎矣。若保之如赤子。則民其進於安治矣。

非汝封。刑人殺人。無或刑人殺人。非汝封。又曰。劓。刑人。無或劓刑人。

言刑罰之斷權操於已而不可下移於人。

王曰外事汝陳時臬司師茲殷罰有倫。

曲禮外事以剛日內事以柔日鄭注出郊爲外事陳與塵通釋詁塵久也廣雅臬法也司字屬上爲句師字屬下爲句廣雅倫順也禮器鄭注倫之言順也師茲殷罰有倫正義云若今律無條求故事之比是也言郊外之事汝久是司寇職當參法茲殷罰之順者

又曰要囚服念五六日至于旬時不蔽要囚。

周禮鄉士注要之爲其罪法之要辭如今劾矣左傳襄十年使王叔氏與伯與合要王叔氏不能舉其契杜注要契之辭旬時周禮云小司寇以五刑聽萬民之獄訟附于刑用情訊之至于旬乃蔽之鄉士辯其獄訟異其死刑之罪而要之旬而職聽于朝遂士二旬而職聽于朝縣士三旬而職聽于朝皆司寇聽之方士三月而上獄訟于國司寇聽其成于朝是也王制云刑者一成而不可變故君子盡心焉小爾雅蔽斷也左傳昭十四年邾侯雍子爭田叔魚攝理蔽罪

邢侯杜注蔽斷也言爲罪法之要辭當服念五
六日其有疑者或至于一旬或至于三月乃斷
之

王曰汝陳時臬事罰蔽殷彝用其義刑義殺勿庸
以次汝封乃汝盡遜曰時敘惟曰未有遜事。

廣雅義宜也方言次代也左傳昭十六年子產
曰庸次比耦是也亦作飲說文飲遞也廣雅伏
代也音義同釋詁惟思也言汝久是臬事罰之
斷以殷法者盡心詳慎用其宜刑宜殺弗用誅
誘以代汝封乃汝之用罰已盡順僉曰是攸敘
尙再思曰或未有順于事以上六節誥以用刑
之詳慎

已汝惟小子未其有若汝封之心朕心朕德惟乃
知。

蓋武王之心欲寓德于刑之中而辟以止辟故曰惟乃知

凡民自得罪寇攘姦宄殺越人于貨譬不畏死罔弗慙

左傳成二年射其左越于車下杜注越墜也緇衣引太甲曰毋越厥命以自覆也鄭注越之言歷也訓義同幽風晝爾于茅箋云于往取也說文譬冒也卽引書以證心部慙怨也亦引書以證言凡民非人所脅自犯大罪爲寇攘姦宄之事殺墜其人而往取其貨其冒犯不畏死人無不怨恨

王曰封元惡大慙矧惟不孝不友子弗祇服厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠子哀犬不

友于弟。惟弔茲。不于我政人得罪。天惟與我民彝。
大泯亂。曰。乃其速由文王作罰。刑茲無赦。

廣雅服任也。儀禮士冠禮宜之于假。鄭注于猶為也。聘禮賄在聘于賄。鄭注于讀曰為。釋言鞠稚也。釋詁弔至也。泯如呂刑泯泯。泯泯。泯泯。猶亂也。言寇攘姦宄固為元惡而大可恨者。况不孝不友之人。父子相夷。兄弟交惡。惟至于此。雖其家風忿戾。不于我政人得罪。而天所與之彝。倫則大為泯亂。汝其速用文王所作違教之罰。刑茲亂常者。無得赦。

不率大戛。矧惟外庶子訓人。惟厥正人。越小臣諸節。乃別播敷。造民大譽。弗念弗庸。瘵厥君。時乃引惡。惟朕慙已。汝乃其速由茲義率殺。

釋詁戛常也。正義外庶子即周官之諸子。文王世子之庶子也。以政教國子。故云訓人。釋詁正

長也。史記周本紀乃告司徒司馬司空諸節集
解引馬注諸節諸受符節有司也別當讀如辯
辯卽古文徧詳上文言此不孝不友固爲不率
大常者况外庶子職在訓人惟長官及小臣之
諸受符節者乃徧爲播敷以干民之譽弗思其
謀之不足用而病及其君是乃引人以惡惟朕
怨恨汝乃其速用此義以先殺

亦惟君惟長不能厥家人越厥小臣外正惟威惟
虐大放王命乃非德用乂汝亦罔不克敬典乃由
裕民惟文王之敬忌乃裕民曰我惟有及則予一
人以懌。

漢書百官公卿表柔遠能邇師古注能善也古
者謂不相善爲不能左傳文十六年不能其大
夫至于君祖母以及國人成十一年蘇氏卽狄
又不能于君狄而奔衛襄二十一年范鞅與欒盈

爲公族大夫而不相能昭元年子產曰昔高辛氏有二子居于曠林不相能也十一年蔡侯獲罪于其君而不能其民三十一年公在乾侯言不能外內也穀梁傳宣十一年輔人之不能民而討皆謂不相善也小爾雅放棄也由與猷通方言裕猷道也東齊曰猷或曰裕鄭注敬忌祗祗威威也說文及逮也徐云及捕人也釋詁懼服也如呂刑下服上服之服言亦惟殷之君長不善其外內惟肆威虐大棄王命此非德教之所用以治者汝爲殷監惟克敬其典常用猷裕斯民亦惟先之以文王之祗祗威威乃裕其民曰我惟有罪者逮繫則歸于司寇于一人以之服于刑以上五節皆誥以用刑之明決

王曰封爽惟民迪吉康我時其惟殷先哲王德用康乂民作求矧今民罔迪不適不迪則罔政在厥邦

說文爽明也釋詁迪道也學記發慮憲求善長
鄭注求謂招徠之也左傳昭十五年民知所適
杜注適歸也言凡明民之心惟在道以善康我
時其思殷先哲王之德用安治斯民以爲招徠
矧今殷民無以道之則不知所歸且不道則是
我國家無有政教及于其邦矣

王曰封子惟不可不監告汝德之說于罰之行今
惟民不靜未戾厥心迪屢未同爽惟天其罰殛我
我其不怨惟厥罪無在大亦無在多矧曰其尙顯
聞于天。

監王制云天子使其大夫爲三監監于方伯之
國國三人是也釋詁悅服也說悅同大雅民之
未戾毛傳戾定也爽字屬上爲句釋詁惟思也
廣雅尙上也言子惟民不可不立之監告汝德
之服人卽在于罰之攸斂今惟殷民不靜未定
厥心道之屢而未能同明此惟天之罰責我我

亦不敢怨民。祗自思其罪。罪不在于大。亦不在
于多。况其上顯聞于天者乎。

王曰。嗚呼。封敬哉。無作怨。勿用非謀。非彝。蔽時。恠
丕則敏德。用康乃心。顧乃德。遠乃猷。裕乃以民寧。
不汝瑕殄。

小爾雅蔽斷也。廣雅時善也。方言忱信也。說文則等畫物也。周禮地官師氏二曰敏德以爲行本。鄭注敏德仁義順時者也。裕字屬上爲句詳上文儀禮鄉射禮主人以賓揖鄭注以猶與也。周禮稻人夏以水殄草鄭注殄病也不汝瑕殄猶左傳云不汝瑕疵也。言無作怨于民勿用非辟之謀勿用非辟之法。惟果斷以善其信等畫之以敏德用是安其心觀其德久其猷裕乃與民相安而不汝瑕疵矣。

王曰。嗚呼。肆汝小子封。惟命不予常。汝念哉。無我

殄享。明乃服命。高乃聽。用康乂民。

釋詁。殄。絕也。享。當從蔡傳。屬上爲句。史記。周本紀。武王封武庚。以續殷祀。令修行盤庚之政。是革其命。不殄其享也。言天命無常。今雖殷既墜命。汝當念之哉。不可以我周絕其享。祀明乃服命。而不廢。高乃聽。而不偏。用安治其民。

王若曰。往哉。封。勿替敬典。聽朕告。汝乃以殷民世享。

釋言。替。廢也。典。字屬下爲句。與酒誥典聽朕步同。皆言終丁寧之意。汝字屬下爲句。

尚書證義

平湖周用錫述

酒誥

王若曰。明大命于妹邦。乃穆考文王肇國在西土。厥誥毖庶邦。庶士。越少正御事。朝夕曰。祀茲酒。惟天降命肇我民。惟元祀。

鄭注。妹邦者。紂之都所處也。云明大命者。蓋誥康叔以往。明王命。竹書紀年。武王十五年。誥于洙邑。是也。說文。屮。戶始開也。屮。肇。篆。隸。文。少。正。正之貳。若周禮。小宰。小司徒也。釋詁。元。始也。言穆考文王始開國在西土。爲雍州之牧。其誥戒庶邦之庶士。及少正之官。御事之臣。朝夕戒之。曰。祭祀始用酒。蓋惟天降命以開我民之草昧者。禮始于祀也。

天降威我民用大亂喪德亦罔非酒惟行越小大
邦用喪亦罔非酒惟辜。

言天之降威凡我民喪其德人君喪其邦罔非由酒之辜。

文王誥教小子有正有事無彝酒越庶國飲惟祀。
德將無醉。

正與政通。舜典以齊七政。史記律書作七正。論語政者正也。文王誥教國之小子爾或有政。或有事不可常于酒。于是庶國用文王之教飲酒。惟祭祀皆以德將之。而無有醉者。

惟曰我民迪小子惟土物愛厥心臧聰聽祖考之
彝訓越小大德小子惟一。

釋詁臧善也。文王誥教其民曰凡我民啓迪小子惟土田之稼穡是愛其心常善聰聽祖考之

彝訓而無違于小大之德小子惟專一之

妹土。嗣爾股肱。純其藝黍稷。奔走事厥考厥長。肇牽車牛。遠服賈。用孝養厥父母。厥父母慶。自洗腆致用酒。

鄭風子寧不嗣音毛傳嗣習也左傳隱元年穎考叔純孝也杜注純猶篤也純其藝黍稷左傳成十三年劉子曰盡力莫如敦篤是也釋詁肇謀也汗簡云肇古文尚書作肇廣雅服行也漢書律歷志洗潔也說文設膳腆腆多也致送詣也此謹酒以迪妹土之民

庶士有正。越庶伯君子。其爾典聽。朕教爾大克羞。耆惟君爾。乃飲食醉飽。不惟曰爾克永觀省。作稽中德。爾尚克羞饋祀。爾乃自介用逸。茲乃允惟王。

正事之臣茲亦惟天若元德永不忘在王家

釋詁正伯長也說文羞進獻也廣雅主君也是君猶主也不當讀如不古不不多同文詳大誥觀如學記相觀而善之觀釋詁省善也大雅帝省其山大傳省於其君毛鄭竝訓省爲善廣雅作始也稽合也衷善也中與衷通鄭注饋祀助祭于君也釋詁介善也逸與佚同倉頡篇佚樂也釋言若順也釋詁元首也天若元德首先侯服之德若大雅云殷士膚敏裸將于京是也釋言棄忘也是忘猶棄也言殷之庶正庶伯其爾常聽朕教爾大能進獻于耆老而爲主乃可以盡宴飲之樂然不惟曰爾能長觀摩于耆老之善始合善德爾庶幾能進獻而來助祭爾乃始善用其佚樂茲乃信惟王者政事之臣茲亦惟天順之首德而永不棄于王家矣此謹酒以進妹土之臣

王曰封我西土棗徂邦君御事小子尙克用文王

教不腆于酒。故我至于今。克受殷之命。

釋詁。棐，備也。徂，存也。文王爲西伯，佐輔以存之。邦也。言我西土輔存之邦。君御事小子，尙能用文王之誥。教不多于酒，故我東征用其力。至于今，能受殷之天命。

王曰：封！我聞惟曰：在昔殷先哲王，迪畏天，顯小民。

經德秉哲，自成湯，咸至于帝乙。成王畏相，惟御事。

厥棐有恭，不敢自暇自逸。矧曰：其敢崇飲。

釋詁。迪，道也。廣雅。畏，敬也。咸，如。史記。司馬相如傳。上咸五，下登三之咸。史記。殷本紀。帝乙崩，子辛立，是帝乙紂父也。逸周書。諡法。解敬順事上曰恭。釋詁。崇，充也。大射禮曰：主人不崇酒，有司微曰：再拜崇酒，言在昔殷先哲王，其君道敬畏天命，小民經其德，以建中，秉其哲，以制事，自成湯，同至于帝乙，成王者之德，敬輔相之臣，惟時御事之臣，其輔弼亦皆敬順，不敢自暇自逸。矧。

曰其敢充飲乎此言殷君相之謹酒

越在外服侯甸男衛邦伯越在內服百僚庶尹惟
亞惟服宗工越百姓里居罔敢湏于酒不惟不敢
亦不暇惟助成王德顯越尹人祇辟。

五服不數采者省文耳釋詁伯長也邦伯侯國
之卿大夫也釋言尹正也亞次也尹之貳釋詁
服事也廣雅工官也宗工若周禮都宗人家宗
人也百姓世族之得姓者詳堯典說文湏沈于
酒也卽引書以證釋詁祇敬也辟法也此言內
外臣工之謹酒

我聞亦惟曰在今後嗣王酣身厥命罔顯于民祇
保越怨不易詭惟厥縱淫泆于非彝用燕喪威儀
民罔不盡傷心惟荒腆于酒不惟自息乃逸厥心

疾很。不克畏死。辜在商邑。越殷國滅。無懼弗惟德。馨香祀。登聞于天。誕惟民怨。庶羣自酒。腥聞在上。故天降喪于殷。罔愛于殷。惟逸。天非虐。惟民自速。

辜

說文。酣。酒樂也。小雅亦祇以異。毛傳祇適也。說文任保也。是保猶任也。左傳襄二十一年。樂盈曰。不能保任其父之勞。越與粵通。釋詁。粵于也。縱淫。泆若史記。殷本紀云。以酒爲池。縣內爲林也。學記。燕朋逆其師。鄭注。燕猶褻也。燕喪威儀。若史記。殷本紀云。使男女僕相逐。其閒爲長夜之飲也。說文。血部。盡傷痛也。卽引書以證。隸省从皿。玉篇。盡痛甚也。義仍同。廣雅。息安也。釋言。逸過也。說文。很。不聽從也。釋詁。懼憂也。惟思也。廣雅。自從也。民當讀爲昏。簡策。日體摩滅也。言我又聞在今後。嗣王酣樂其身。其命令罔有昭顯于民。適任于怨。而不知改易。大惟其縱淫泆。

于非常以燕衰失其威儀民無不痛傷于心紂
惟荒多于酒不惟自安于過惡其心之很戾以
爲有命在天而愍不畏死凡四方之多罪逋逃
萃在商邑于殷國之滅亡不憂弗思以明德之
馨香爲祀升聞于天而大惟民之怨氣及羣臣
之從酒腥穢發聞在上故天降喪亂于殷無所
愛恤于殷惟其縱逸之故非天之爲虐惟其昏
亂以自速罪

王曰封予不惟若茲多誥古人有言曰人無於水
監當於民監今惟殷墜厥命我其可不大監撫于
時

吳語申胥諫吳王曰王盍亦監于人毋監于水
戰國策蔡澤說應侯曰監于水者見面之容監
于人者知吉與凶蓋亦本此古語也說文撫循
也

予惟曰汝劼毖殷獻臣侯甸男衛矧太史友內史

友越獻臣百宗工矧惟爾事服休服采矧惟若疇
圻父薄違農父若保宏父定辟矧汝剛制于酒。

廣雅劬勤也釋詁必慎也侯甸男衛白虎通引
書作侯甸任衛大戴禮本命篇男者任也是文
異義同說文友从二手繫傳曰友有佐佑之義
故从二手周禮天官大宰掌建邦之六典春官
大史亦掌建邦之六典大宰以八柄詔王馭羣
臣內史亦掌王八枋之灋以詔王治是大宰爲
正大史內史以官聯佐佑之故云友也百宗工
詳上文說文土事也是事猶士也廣雅服任也
釋詁休息也禮運大夫有采以處其子孫漢書
刑法志師古注因官食地曰采戰國策今鬣賢
者之疇也鮑彪注疇類也前漢書宣帝紀疇其
爵邑師古注疇者等也訓異義同若疇卑之之
詞也小雅祈父于王之爪牙毛傳祈父司馬也
職掌封圻之兵甲周禮大司馬小司馬以下有
軍司馬輿司馬行司馬都司馬家司馬蓋尊卑
通稱都司馬掌都之士庶子及其衆庶車馬兵

甲之戒令是圻父乃都司馬也薄讀如左傳楚師薄于險之薄杜注薄迫也幽風田峻至喜毛傳田峻田大夫也釋言峻農夫也郭注今之嗇夫是也漢書百官公卿表鄉有嗇夫職聽訟收賦稅是農父即農夫也父夫古相通亦謂之農率夏小正云農率均田又謂之農大夫周語云命農大夫咸戒農用又謂之農正周語云農正再之是也釋言若順也說文宏屋深響也方言南楚東海之間亭父謂之亭公卒謂之弩父後漢書百官志十里一亭有亭長持更板以劾賊索繩以執賊亭長舊名負弩改為亭長或謂亭父漢書高祖紀應劭注舊時亭有兩卒一為亭父掌開閉掃除一為求盜掌逐捕盜賊是宏父猶亭父也釋詁定止也左傳昭六年楚辟我衷若何效辟杜注辟邪也孟子放辟邪侈無不為已定辟即所謂捕逐盜賊也說文剛強斷也廣雅制折也若疇當從蔡傳屬上讀圻父農父宏父皆屬下讀言汝勤戒殷之賢臣及侯甸男衛諸服矧太史丙史佐佑汝職及周之賢臣百宗官矧惟爾之庶士或任燕息之使令或任都邑

之職守矧惟若等圻父掌戒令迫民之違命農
父主田賦順民之保息宏父捕盜賊止民之辟
邪惟汝斷折之使不腆于酒

厥或告曰羣飲汝勿佚盡執拘以歸于周予其殺

羣飲如左傳樂盈之觴曲沃人釋言囚拘也是
拘猶囚也說文引周書曰盡執柯

又惟殷之迪諸臣惟工乃湏于酒勿庸殺之姑惟
教之

廣雅迪蹈也謂殷亡後出迪者

有斯明享乃不用我教辭惟我一人弗恤弗獨乃
事時同于殺

大戴禮誥志篇明孟也史記律書明者孟也釋
詁孟勉也勉孟明皆一聲之轉義亦相轉訓故

禹貢孟豬史記夏本紀作明都勉謂之孟亦謂之明也釋詁享獻也卽上文云羞者羞饋祀也釋言蠲明也言有此勤勉其享上乃不用我教辭予一人亦不相恤其有陰謀不明之事則罪同于殺

王曰封汝典聽朕毖勿辯乃司民涵于酒。

廣雅辯使也辯與俾通書序王俾榮伯作賄肅慎之命釋文馬本作辯孔傳勿使汝主民之吏涵于酒

尚書證義

平湖周用錫述

梓材

此篇伏生大傳以爲周公命伯禽之書孔傳以爲成王命康叔之書先儒多疑其辭氣不類以爲非康叔之誥或以爲似洛誥之文詳讀經文王啓監以下乃康叔答王之辭首有脫字非錯簡也

王曰封以厥庶民暨厥臣達大家以厥臣達王惟邦君

臣監所辟召之屬也達如儒行推賢進達之達前漢書黃香傳在位多所薦達大家若伊巫之族達王屬下爲句逸周書皇門解惟其有大門宗子勢臣罔不茂揚肅德訖亦有孚以助厥辟

勤王國王家乃方求論擇元聖武夫羞于王所
其善臣以至于于有分私子苟克有常罔不允通
咸獻言在于王所卽此意也言汝爲監當以其
庶民及其臣之賢者薦達于大家以爲家邑之
宰或以其臣薦達于王及邦君以爲公朝之臣

汝若恆越曰我有師師司徒司馬司空尹旅曰子
罔厲殺人亦厥君先敬勞肆徂厥敬勞肆往姦宄
殺人歷人宥肆亦見厥君事戕敗人宥

釋言越揚也王風亦莫我有箋云有相識有也
釋詁肆故也徂存也謂存問也玉篇往古往也
漢書武帝紀稽諸往古左傳成十七年亂在外
爲姦在內爲宄肆往姦宄殺絕爲句釋詁歷相
也謂相助也說文宥寬也左傳昭二十年齊豹
見宗魯于公孟杜注見薦達也事立政云三事
也鄭注戕殘也說文敗毀也殘毀之人王制所
云瘖聾跛辟也言汝若常揚言我識有之師師

三卿大夫衆士曰予爲天子之命監而不以猛厲殺人亦必其君先之以敬勞斯人鮮犯法故我存問其敬勞故往古姦宄則殺凡人之助人爲從者法從寬故卽比以爲例達之于其君卿凡形體殘毀之人罪亦從寬

王啓監厥亂爲民曰無胥戕無胥虐至于敬寡至于屬婦合由以容王其效邦君越御事厥命曷以引養引恬自古王若茲監罔攸辟

玉篇啓開也啓監猶蜀志諸葛亮傳云開府治事也釋詁亂治也敬古與矜通呂刑哀敬折獄伏生大傳作哀矜哲獄矜古讀爲鰥大雅不侮矜寡王制老而無妻者謂之矜孔鮒云妾婦之賤者謂之屬婦屬逮也說文引周書曰至于嫗婦嫗屬聲相近由古與猷通釋詁猷謀也容如易容保民无疆之容合而謀其容保王制所云皆有常餼也左傳昭二十六年宣王有志而後

效官杜注效授也命若周禮內史云凡命諸侯及孤卿大夫則策命之也說文恬安也釋言若順也監字當屬上讀辟如孟子放辟邪侈之言自古王者順茲以監故其民無所邪辟

惟曰若稽田既勤敷菑惟其陳修爲厥疆畎若作室家既勤垣墉惟其塗墍茨若作梓材既勤樸斲惟其塗丹雘

集韻稽治也釋地田一歲曰菑廣雅陳列也周禮稻人以列舍水鄭注列田之畦畷也說文疆界也考工記匠人爲溝洫二耜爲耦一耦之俊廣尺深尺謂之畎說文垣牆也釋宮牆謂之墉廣雅墍塗也玉篇墍仰塗也塗墍蓋一事說文茨以茅葺蓋屋也馬注治木器曰梓說文樸木素也斲斫也丹巴越之赤石也雘善丹也引周書曰惟其敷丹雘敷塗聲轉義同此言爲監者惟當修明前法

今王惟曰。先王既勤用明德。懷爲夾庶邦。享作。兄弟方來。亦既用明德。后式典集。庶邦丕享。

懷如中庸懷諸侯之懷三倉夾輔也作字屬上爲句微子小民方興史記作小民竝興是方猶竝也釋詁后君也說文后繼體君釋言式用也典集若成周之王會也言今王惟曰先王既勤勞於用明德懷柔諸侯以爲夾輔於是庶邦之享皆作兄弟之國竝來亦既用明德繼體之君惟率舊典以會同則庶邦莫不來享

皇天既付中國民。越厥疆土于先王。肆王惟德用和。懌先後迷民。用懌先王受命。

說文付與也肆字當從蔡傳屬下爲句釋詁肆今也懌服也言皇天既付中國之民及其疆土于先王今王亦惟德用和服先後未爽之民用服先王所受天命

已若茲監。惟曰欲至于萬年。惟王子子孫孫永保民。

言尚德不尚刑。則可祈天以永命。

尙書證義

平湖周用錫述

召誥

惟二月既望越六日乙未王朝步自周則至于豐

馬注周鎬京也史記索隱云豐文王所作邑在鄆縣東臨豐水東去鎬二十五里後武王都鎬于豐立文王廟大雅有聲箋云豐邑在豐水之西鎬京在豐水之東至于豐以作洛之事告文王廟

惟太保先周公相宅越若來三月惟丙午朏越三日戊申太保朝至于洛卜宅厥既得卜則經營

相宅周禮云辨方也考工記云匠人建國水地以縣置槩以縣視以景爲規識日出之景與日

入之景晝參諸日中之景夜考之極星以正朝夕是也越若猶粵若語辭釋詁來至也漢書律志引武成粵若來三月逸周書世俘解越若來二月是三月當屬上爲句說文朏月未盛之明引書文以證漢志引月采篇三日曰朏卽康誥云惟三月哉生魄也卜宅卜其宮廟之位周禮云正位也得卜洛誥云惟洛食也

越三日庚戌太保乃以庶殷攻位于洛汭越五日

甲寅位成。

庶殷多方所誥之殷多士踐奄後遷于洛者也詳多士大雅庶民攻之毛傳攻猶治也攻位考工記云匠人營國方九里旁三門國中九經九緯經涂九軌左祖右社面朝後市是也逸周書作雒解乃位五宮太廟宗宮路寢明堂說文汭水相入也洛汭洛水入河處二水相入有隈曲禹貢東過洛汭是也左傳謂之王城

若翼日乙卯。周公朝至于洛。則達觀于新邑營。

史記周本紀云。周公復卜申視。卒營築居九鼎焉。

越三日丁巳。用牲于郊。牛二。

逸周書作雒解。乃設丘。姚于南郊。以祀上帝。配以后稷。是牛二。一帝牛。一稷牛也。

越翼日戊午。乃社于新邑。牛一。羊一。豕一。

逸周書作雒解。乃建大社于國中。其壝東青土。南赤土。西白土。北驪土。中央疊以黃土。周禮宰夫注。三牲。牛羊豕共爲一牢。郊用特。社用牢者。禮器云。禮有以少爲貴者。是也。郊不言新邑。郊兆于南郊。不在國中也。

越七日甲子。周公乃朝。用書命庶殷侯甸男邦伯。

用書。若左傳昭三十二年。晉台諸侯。士彌牟營成周。計丈數。揣高卑。度厚薄。勿溝洫。物土方。議

遠邇量事期計徒庸慮材用書儀禮以令役于諸侯也釋詁伯長也侯甸男邦之長官見士子周者康誥簡首數五服此不言采衛者文有詳畧耳

厥既命殷庶庶殷丕作。

此記庶殷之應命召公所以作誥

太保乃以庶邦冢君出取幣乃復入。錫周公曰拜手稽首旅王若公誥告庶殷越自乃御事。

以庶邦冢君出者前此入受命也釋詁旅陳也郊特牲云旅幣無方曰御事者不敢直言告王也。

嗚呼皇天上帝改厥元子。茲大國殷之命惟王受命無疆惟休亦無疆惟恤。嗚呼曷其奈何弗敬。

元子猶元后。惟王受屬上爲句。命字屬下爲句。言天位惟艱。當居以敬。

天既遐終大邦殷之命。茲殷多先哲王在天。越厥後王後民。茲服厥命。厥終智藏瘝在。夫知保抱攜持厥婦子。以哀籲天。徂厥亡。出執。嗚呼。天亦哀于四方民。其眷命用懋。王其疾敬德。

釋詁在終也。民當讀爲昏簡策日字摩滅也。智藏微子云我家耄遜于荒也。瘝在微子云卿士師師非度也。釋詁知匹也。檜風樂子之無知。箋云知匹也是夫知猶夫妻也。說文籲呼也。亡逃也。言天既久訖大邦殷之命。此殷之多先哲王皆終天及其後王昏亂。服行命令。其終智者退藏瘝者在位。民之多瘠罔詔。夫與其匹保抱攜持其婦子。以哀呼上天。往而逃亡。出又被執。嗚呼。天亦哀憐此民。其眷命于我周用懋。王庶幾速敬德哉。

相古先民有夏。天迪從子保。面稽天若。今時既墜厥命。今相有殷。天迪格保。面稽天若。今時既墜厥命。

魯語古曰在昔昔曰先民釋詁迪道也從如洪範龜從筮從之從稽盤庚云卜稽洪範云稽疑也釋言若順也格君爽云格于皇天格于上帝也面稽天若史記龜策傳云塗山之兆從而夏啓世飛燕之卜順故殷興是也言相古昔有夏天道從其傳子而保之夏先王親稽之天心而順今時既墜厥命矣今相有殷天道感格而保之殷先王親稽之天心而順今時既墜厥命矣言天命之無常

今沖子嗣則無遺壽考曰其稽我古人之德矧曰其有能稽謀自天。

儒行古人與稽鄭注稽猶合也釋詁從自也是
自猶從也言今冲子嗣位不可遺壽考之臣蓋
壽考合我古人之德况其又能合謀從天心

嗚呼有王雖小元子哉其不能誠于小民今休王
不敢後用顧畏于民晷。

有王猶臯陶謨云有邦有家也說文誠和也引
周書曰不能誠于小民古不與丕多同文詳大
誥釋詁休美也今休謂庶殷不作也說文晷暫
岳也引周書曰畏于民晷讀與巖同書序得諸
傳巖史記殷本紀云得說于傳險中是晷猶險
也民晷康誥所云小人難保也歎息言有王雖
幼冲誠君天下之天子哉其大能和于小民今
殷民初美而王之誠之必先任用壽考顧畏于
民情之危險難保

王來紹上帝自服于土中。旦曰其作大邑其自時

配皇天。愆祀于上下。其自時中乂。王厥有成命。治民今休。

釋詁來勤也。大雅適追來孝。毛傳來勤也。釋詁服事也。稱旦者。禮君前臣名也。言王勤民以繼天將從事于四方之中。汝旦言于洛。建大邑。其自是對皇天。慎祀于神祇。其自是宅中圖治。王其有昊天。之成命。治民今休美矣。

王先服殷御事。比介于我有周御事。節性惟日其邁。

周禮形方氏。大國比小國。鄭注比猶親也。釋詁介善也。廣雅邁往也。言王之治民。先以德服殷之御事。使親善于我有周之御事。觀摩以節其性。則惟日其往于善矣。

王敬作所不可不敬德。

三倉所處也。敬作所猶禮運云。天子以德爲車。以樂爲御也。言王者以敬爲居。不可不敬德。

我不可不監于有夏。亦不可不監于有殷。我不敢知曰。有夏服天命。惟有歷年。我不敢知曰。不其延。惟不敬厥德。乃早墜厥命。我不敢知曰。有殷受天命。惟有歷年。我不敢知曰。不其延。惟不敬厥德。乃早墜厥命。

方言。延長也。凡施于年者。謂之延。言夏殷歷年之修短。我不敢知。所知者。惟不敬其德。乃早墜其命也。

今王嗣受厥命。我亦惟茲二國命。嗣若功。

釋詁。嗣。繼也。惟。思也。釋言。若。順也。言今王嗣受天命。我亦思此二國之命。善繼以順天功。

王乃初服。嗚呼。若生子。罔不在厥初。生自貽哲命。今天其命哲。命吉凶。命歷年。知今我初服。宅新邑。肆惟王其疾敬德。王其德之用。祈天永命。

釋言貽遺也。宅新邑。合上爲句。言今王初事于洛邑。譬若生子。無不在其初生之時。遺以睿知之命。今天之命哲。命吉凶。命歷年之修短。皆可知之。於今我初事宅新邑。故惟王速敬其德。德之施行。能祈天以永受命。

其惟王勿以小民淫用非彝。亦敢殄戮用。又民若有功。其惟王位在德元。小民乃惟刑。用于天下。越王顯。

左傳襄十四年師曠曰。良君將賞善而刑淫。昭六年叔向曰。嚴斷刑罰。以威其淫。杜注淫放也。

敢如賁卦无敢折獄之敢。又民屬下爲句。文言元者善之長也。釋詁刑法也。小民乃惟刑爲句。釋言越揚也。言惟王勿以小民放辟爲不法。亦果敢以殄戮施行。其治民若易有功。其惟王居天子之位。在德之長人。小民乃觀感相法。施行于天下。揚王之顯名。

上下勤恤。其曰。我受天命。不若有夏歷年。式勿替有殷歷年。欲王以小民受天永命。

釋詁替止也。言君臣相與勤憂。惟曰。我受天命。大如有夏之歷年。用勿止。如有殷之歷年。欲王左右小民。受天之永命。

拜手稽首曰。予小臣。敢以王之讎。民百君子。越友民。保受王威命明德。王未有成命。王亦顯。我非敢勤。惟恭奉幣。用供王能。祈天永命。

說文讎猶磨也。今經典相承作應讎。民應命之庶殷也。百君子侯甸男邦之伯也。友民友邦之民。卽四方和會之民也。蓋洛邑之作所以賓諸侯。亦以威殷民。召公之誥因庶殷已不作。應命欲王疾以敬德。誠民而不至。再用刑戮則能祈天以永命。故復拜手稽首言之。